

MU MOYO WAMUNTU

WU BELEYE

COPYRIGHT

ISBN 978 - 1 9920322-35-9

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)

Mu Moyo Wamuntu Wu Beleye

Litempile Iyamulugu pamo libanza Iyasatana

Ilyakubombela mumo. 1 Yohani 3:4-10.

Ili ibuku telipya awe likalembwa kali mumsi ya France nomba pajenda amaka amakumu ikumu nagaji amakumi ikumi, Iyaleta ubuzelu kubantu amyanda namyanda, likubomba ukulajizya amoyo gabanta ngati muchikope mwabantu bangalola amoyo gabo kogalubembu pamo awe ukulingan na mu leza akugalolela, abiji bakuti balola amoyo gabo kogalubembu nu kusubila bakusubila paminso ga leza, bakupochelela umoyo nu munzimu umupya.

Pukubazya ibuku ili ukumbukaje mu ngenezya amoyo wako nukuymany'a wemwenecho mubeleye pamo wemubembu pamo wemu Kristu pamo wi galiye ku zila yakwa leza wandi waje ichikope chochikulingine ngati mu leza akukulolela. Uleza atali nukusolobola awe Pabantu awe atakulolaga pa minso nati pachikoba camuntu awe uwene akulola mumoyo.

Usatana wowu yinse wabilenga bonisi eso wowu yisekulu wachisi wowu leza wansi ino imbibi akuyipilulaga gati mungelu wamunsanya, ukwene te wamunsanya, ngati ryabiji, bakumwelenganya, ukwene abene abo bangaseka ichikope ngabachilola.

Mumanda aga kali mukaba abatumwa abilenga, nanombanye mobali bakubomba ubonye bakuyipilula ngati batumwa bakwa Kristu techakuzuguka awe nusatana nulwakwe akuyipilula umungelu wamunsanya, 2 Korinte 11:13,14; usatana akutokola aminso namelenganyo gabiji Iyakuti batamanye ukutemwa kwa leza nu lulumbi lwakwe nububukankala, nati kulola ukatula Yesu Kristu. 2 Korinte 4:4 abantu bobatobolwanu leza wansi ino batangalola kobakubala kukunajika ukwa muyayaya kuny'ana yamoto bafuye kwa yehova.

Uleza wansi ino wakubateka nukubomba mubabo Efeso 2:2 umwana wakwa Leza akiza ukuti anaje imilimo gachiwa

uchiwa mubembu ukufuma nakali. 1 Yohani 3:8 totelela uleza udiabulosi mukane ayandi abachimbile palamili kwa leza wope ayandi apalamile Yakobi 4:7-8. Pukubazya ibuku ili nuklulola ivikope vyovili mumo uyilole wemwene cho mumoyo wako wubeleye. Yitichizya umoyo wako kwaleza nga walola umoyo wako mubibi walubembu, zumla yinenele ubu welewele bwako uta kayizyiche awe ngatukuti tutali nulubembu lyo tukuyibepa, nubunalyoli lyotutali nabo.

Nati tukwitika ulubembu lwitu, wakusimichila ayandi atatetle uhubembu lwitu, nukutuzelufya ubuta lungamana bwitu, nati tukuti teswe babembu lyotu kuyibepa. Lyoninzwi lyakwe litali mwiswe awe 1 Yohani 1:8-10 uyichefye utotel ilelo iny'obe iyamaka iyakwa leza, lyakuti akutetele imbibi zyako nukukuzelufya mwadaba uwamutengo uwa Yesu Kristu.

Buzye ukutekwa nu leza pamo nu satana; buzye wekayili wa Satana pamo wewa chito kwa leza; ngukutekwa nulubembu utakane lilila kwa leza wa ngakutula ukulendela mwa Yesu Kristu wakiza mumsi ukutula ababibi nu kwigula intonko aminso, nukutufumya muchisi ni chisi ukufuma mwiswe, akiza ukutwijizya mubuzelu bwakuzungusya nukututula kulubembu nakwa satana, mwa wuyo motukutulizwa swesi kulubembu lwitu, aponye puli uli paminso ga kwa leza wakumanyaga vyukuchita nuku lola vyonsi ni vyankama vyonsi, namelenganyo gako gonsi utagazyika imilimo gako kwa leza kwawuyo utagavwa ma, awe wakabika iktwi atagivwa wakabika liso atangalola Malumbo 94:9 aminso gakwe gakuololaga pamajendelo gabantu ni zilazyabo zyonsi kutali ichinsi, ichizyunganu ichafwa ichakuti boba kubifya bavwame mumo Jobo 34:21-22. Aminso ga Yehova gakuolola monsi lyakuti balole kowa maka bobakusubila numoyo wakusimichila 2 Imilandu 16:9.


Yohani 2:24, walongo wo imbibi zyakwe zyatetelwa wobavwi chila pambibi zyakwe, walongo waleza atakupenda imbibi zyakwe, na mumunzimu wakwe mutali ilenga Malumbo 32:1-5. Malumbo 51: Yesu achili akuti zaji kwine mwensi mwebantu mukuyimba eso mwang'wamilwa nandi imbape ukutuzya. Mateyo 11:28-30.

ICHIKOPE ICHA KWAMBILA

Ichikope chamuntu wa moyo watasubi ye umubembu watemwizwe ivyansi atapapwizwe eso umpindi yabubili, akutekwa nichimunzimu ichansi ino, ichikope ichi chamuyana nsana numoyo wakwe muleza akuwulolela, aminso mabezu agalufube gakulajizya ubuchakolwa imulombe Prov. 23:29-32 wuwenu wali nubulada, inga wabezile aminso wuwenu wowula wakulinda mwipele, wakwazizya ipele lyakusazyasazya utalolechesyaje pipele ngalya fudika ichimela vyolikuchitaga galili mu mo mu chipale namulupindi, pabumalilo lilikuluma ngati joka nisalele livulunganye naminso gako utaliche nukulola pavya tanda iviwelewele, numulomo wako wutaliche akunena ivyabusilu. Lola mutende muchikope mumoyo wamuntu momwikaye ivibumbwa vya kupusanapusana vikulajizya ukunanga nanga ukwakupusanapusana umoyo yony'umba yalubembu lwitu uleza akati umoyo wuchejeye ukulusya vyonsi, wubibi sana nga wuwenu wangawumany'a Jelemiya 17:9. U Yesu akuti vyovikufuma mukasi mumoyo gabantu ababibi melengany'o amabibi, ukuzeketa, ukwiba, ukugoga, ubuzelele, ikumbuchila, ububibi, ubugulugulu, ichilumba, ikwelegulo, ubuwelewele ilenga, vyonsi vya kukombezya vyovikufuma mukasi mumuntu. Marko 7:21-23.

PIKOKI — Ichelewulwa chotwambila wupikoki ichelewulwa ichizima sana nameya gakwe gakuzugusya gamintundu mwalwe, chikuljizya ichilumba, kelubi, awakuputwa wali wabuzelu umungelu wakwa leza ichilumbachika mugwisya, aba mulwani waleza ayitwa ukuti dlabulosi Aizaya 14:9-17 udlabulosi mungelu wakutamya sana amanda gamo akuloleka ngati mungelu wachisi, akuloleka eso ngati wamusanya.

Ichilumumba chikuyila jizyanga mu zila iziji, ivyuma bamo ng'ombe, pamo ing'onzi pamo iny'umba pamo umuguda, pamo irizwalo vyamutego pamo ukuyemba ichiso, ukuyemba kwamubili, gobakubovya umusanya nubusiku kumilimo gasoni. Ivikuleka bamo bakuba nichilumba, bamo ulubilo, amasambillilo bamo amaka umubili uwakuyibela niviji ivyabulobulo, ukuzwala



1. UMOYO WAMU BEMBU

utu Bangeli amasikiyo ukutema isale kuminso, ukwene uleza aka bagomba abazima, ugayiyevya bulibuli, uleza akukanizya abachilumba, lelo akupa ubwila bwakwe kuboba kuyiecefya, 1 Petro 5:5. Ichilumba nukuyitumula uleza atakuvaza Imilumbe 8:13. Ichilumba chikulongolela pukunajeka kuli mupipi umunzimu wachilumba wukwiza po ukugwa kulimupipi Imilumbe 16:18.

IMBWA — imbwa yikulajizya ku lukumbwa lwa buzelele ubuchende nubwamalaya, konsi koimbwa yabala paka yifume yikombeye nabantu bamo moba beleye konsi kobabala pakabataleche ukutemwa abatanda na banavulii ubuchende bukubala bukuvulila eko mumanda amabibi aga, abagolo abasongo nabakusenda nabakusendwa nabasimbe batakuyi suga, kutali numupuma ulubembu lolwali mu Sodomu lolukubomba, mubum bwabantu imuyandanamyanda alya kuti ukulanda kwa Yesu kufiswe ukwakuti mumanda ga bumalilo galiba gati momu Sodomu na Gomola ama zulu na basuto poka nimutundu gosi bakwitaga abachende ukuti mBwa abantu aba batalipyana ubumfumu bwakwa leza mulandu kuzi kuliba imbwa, abapazi, abazelele aamisoko wakapada amakolany'a abilenga nukubepa Ukuwumbulika 22:15. Chofwandi fumiko kubushingonegone, alubembu lonsi lumuntu akuchita lwakuzi yamubili, lelo wakuzeleluka akukombezya umubili wakwe. Mutammanyile ukuti imibili ginyu ny'umba ya leza ng'awasebanya umubili wako uleza alikunanganiya mulandu wasebanya inyumba yakwe ule za. 1 Korinte 3:16-18; 6:15-20.

INGULUBE — Ingulube yikulajizya ukukolwa kolwa, nukulechesya ingulube yikulyansa konsi kokalo leka kuminso gakwe yitakuse baga ichizima nichibili, nabantu bam vitapusine awe bakulya iny'ama zyozya yifwila, izyakubina, izyakuny'ogwa nu dabaye, imbeba, utwakuza, niviji vyuleza akati mutalyaje Imilimo 15:2; Aizaya 66:3-7 bakukombezye imibili gabo yonyumba ya leza, ukulyechesya nukufwenezya nukukweba itumba ni chamba, nkunanga nkunanga nu daba wabo nukubatwala kuku chita ulubembu, wusatana wakuba suga, ukukweba itumba, amaka gakwa leza geke gogagabasatula ukufuma kunusango amabibi gonsi, aba songo nabagolo batakusajila chimo ngabakolwa, kutali uchakolwa wumo walipyana ubum-

fumu bwakwa leza, ipele techakulya awe chakung'wela ichibibi chochikuvulunganya amelenganyo gabantu bakwamba ukuchita ivitu ivyabusilu, bakupiluka aba lwani nukugoga abamwabo, vyobatagachita gabatang'weleye ichakung'wela chapokonto, na wonsi wakupuzuchila mumo atali namano imi. Lumbe 20:1. Amasudo gakwa musa gakuti bamufwante namabwe afwe, na wonsi wakung'wele ipele uwama dali, bobakwenga ipele babembu poka nabobakukazya, n bobakung'wela, amazwi ga leza gakuti chabulanda kuboba kusazya vyovikukola. Aizaya 5:22. Chabulanda kuwakukozya abamwabo nipele lya mabotolo nukuleka akolwa. Habakuku 2:15. Mutakabepwaje nabamalendela nabobakuputa amakolany'a na bazelele naboba kusendana abanavuli beka olo abatanda beka, abakugugu abi kumbuchila abalupato aba kupondoka, bonsi aba batali pyana ubumfumu bwakwa leza. 1 Korinte 6:9-10. Nomba imilimo gamubili gaku-
loleka aga, ukugonagona, ukukolwa ubumalendela ukuputa amakolany'a ubulozi, ulupato, ulombwa, akufulwa umulaka, ukufwituchizanya, inkwini, Ichongo, ukung'wela kwa kuyilosya, navyovilingine nivi bobakuvichitabatalipyana ubumfumu bwakwa leza. Galatiya 5:19-21. Mutakakolwaje ipele momuli ukunajika lel mwizuzwe numunzimu umunzelu. Efeso 5:18.

Bobali niny'onta Uyesu akuti zaji kwine, bang'wele am-inzi gabumi agabwila. Yohani 7:37-38. Owe mwebany'onta zajimung'wele amizi agabwila inizibalya musita indalama, choni chomu kunanga undalama zinyu kuvyotevyakulya kuvyomuta kwikuta Ayizaya 55:1-2.

UFULU — ufulu ny'ama yoyikujenda kalimi ikalimpi, yikulajizya kubukata nubulozi nukwamusita isubilo, uwakutotelela agagwilaa mwifukulo lyakupusana pusana angatemwa ukwiba ukuchila ukubomba, agamba akugoga, ubukata bugamulesya ukubala kumaputo, nukubazya. Ibayibo nukwajikwa muma bungano. Nukwirwa amanzwi galezqa gogalileka tube nubumi bwa muyayaya, uchivulungany'a wansi ino puleza akuti paumoyo wako wope akukulesya akuti atamupe ilele, kana indabi olo umwaka wakwiza, owe lumo indabi butalikuchela ulifwa, ufwe ukwamusita ukusubila ifwa yikusendanga nati kusenganya ufwe natiwu leza nuKristu, uleza akuti ilelo ngawivwa izwi lyane

utakagomye umoyo Heberi 3:7-8.

Indozi zikubonya ichitoba chamukokwa pakubomba ichito zyabo, ufuli akulajizya kulubemmbu lwamusita isubilo nukupanda panda, ukwamusita ukusubila uleza, abiji bakuleka ukubala kwa leza gababinile, napo bali mutamyo, bakuchimbilila mumakolanya, namumagululuzi, mumabwe, musengo, namuvyovitali nubumi, mu zya ng'anga, poba fwile ukusubila mwakagomba nukatula wabo; uleza akankomechezya abana ba isilayeli ukuti bagogaje ukalagula wonsi atafwile ukuba nubumi Ukufuma 22:18. Mutaleche mwimwe mwikale ukalagula wumo, nati wakuchindika amanda, impindi, wakupandila abamwabo, nati mulozi, amajelengwanati boba kuyidumulila bakuti bakulanda nabakufwa, bonsi bobakuchita iri bakukalifya uleza, mutakize mubalaje kubobakulagula nene ne. Yehova uleza winy'u Levi 19:31. Wonsi wayiza akochelela ing'anga, ndimuzyanila nukumufumya mwibumba lyane. Muyizelufye, mube mwebatele neyeHova uleza winyu. Levi 20:6-7. UYesu Kristu wowukapozya wamoyo numunzimu, poka numubili, wakututetela nukutupozya intenda zyonsi. Malumbo 103:1-3.

Buzye mwimwe wumo mubinu ayite abansongo bikeleziya bizebamu putile, iputo lysisubilo lilimupozya wabinile unfumu yilimunyamusya alitetelwa nulubembu lwakwe mwikakaje inibi zinyu pabamwiny'u, muputilanaje lyakuti mupole Yakobi 5:14-16. Pukubazya isuku ili uleza akulanda kwiwe akuti totolokwa fumakulubembu lwako, upe ubumibwako kwine, lelo umoyo wa fulu akukutokotezya akuti utachimbilele ukutotolokwa, akuti utatumpule ilelo ukatupule indabi nati mwasabada wakwiza nati umwaka wakwiza akuti utele usede, usendwe, paka usuhe azumile ifukulo lya Satana, nati kuzumila uleza awe mukuchita ubonye usuhe ugomye umoyo wako wube nato ngati chipapa chafulu.

IZOBWE — Izobwe, nyama yakukalipa sana, yoyitemwizwe ukulya ivya daba, yikulajizya kulubemmbu lwabukali numulanka, navyovikolihe vyovikwajikwa mumoyo gabantu wanje wali nbukali numulaka, vingamutwala kubunkalwe bwakulapa nu kulapizanya nukugoga, uwamusango uno pakungwela ipele

akungwelela kumifulo, apotwa nukuyisuna ichete abilyoga bope bakung'welanga sana lyakuti bagome pakulandula kubobakanangana nabo. Ipele lyabo salile zyanyivwila, ubukali bwabo salile zya matiba ichilanduzi chizima kubabembu, lelo tumanyile ukuti uleza wo mwenecho wa chilanduzi Yesu akati mutemwe abalwani binyu, uleza akati ali tutetela nga naswe twa tetela bobakubifwa kwiswe.

IJOKA — Ijoka ichelewulwa ichi pakwamba chali chizima sana. Chochikatupika u Adamu numuchi u eva mumu guda wa edeni lyakuti chibanajile ubuchibuza nu leza, usatana lyalola ukutemwa ku leza akatemwa umuntu Adamu numuchi nubwasongo bwakabapa pavitu vyonsi muni, ubuzuba bukamulema mubuzuba mukafuma ukupusanya umuntu kwa leza. Ubuzubanye bula bobuli mumoyo wako namubumi bwako, bobukulesya akusasamuka pabamwinyu basasa musile, Abakristu bafwi le ukuchejala numunzimu uwubibi uno, uwabuzuba, ubuzuba bunga balema nga mwalola uleza wakuputa abamwinyu bakubachila, ubuzuba bukuleta amelenganyo amabibi ukuti ugoje uwamwinyu nukufumya epo ichimwemwe chakwe, nukunanganya isenda nisendwa nubumu bwabobansendine ubuzuba buli nijelasi ngati kungwe ulwimbo lwakwa. Solomoru 8:6.

UCHULA — Uchula, ivyakulya akufumya mulusesenga, chikutulajizya kulubembu lwakutemwa indalama, nivyuma, nukulyechesya yotaliko yabubibi vyonsi. 1 Timoti 6:10. Kusi ya ku, kongo'congo, bakaga aba chula bakulya uluswa abachulula bankantu bakalya sana niny'anda zyaputa bafwa. Wakulyechesya atakupanga eko abamwabo ichakulya, abalanda nabankankala bakuyezya yezya ukuti bangabunganika ivyuma vyansi ino, vyokumpindi yinsi akabunguzi numulonso vingalya, nabakungu, Yesu atubuzya ukuti musengule ivyuma vyinyu kumwanya kobata ngiba, mulandu kokuli ivyuma kumoyo wukuba. Mateyo 6:19-21. Akhani nu luko lwakwe bakaloba mulandu wakutemwa, golide nu siliva, nivizwalo vyamutengo. Joswa 7:1-26. U Yuda iskariori, wakaba musambi wakwa Yesu, akaloba mulandu wakute mwa indalama ukuchila ukutemwa UYesu. Mateyo 27:3-5.

SATANA — Satana wowuyinse wabi lenga bonisi, womundimi wany’ama izizyonsi womulongozi wamoyo ganyama inzi zyonsi Yesu akati imwe uso wu Dlabulosi, mukuchita ukwaza kwa kwe akaba wakugoga ukufumilila popabwambilo nubunenesyo mwawuyo nabumomo chosi chakunena chilenga, womwenecho wilenga. Yohani 8:44.

ULUTONDWA — Ulutondwa, lukulaliza ukwe lenganya kokuli mumuntu wonsi, bomumoyo ngabo muzelu ngati lutondwa nivitu vyonsi muli babovizelu, kubakukombela, eso batasubiye nivitu vyonsi chisi vifisite, amelenganyo gabo gakombeye basuye imilimo amazima aga kwa leza. Tito 1:15; Roma 2:15,9:1; 1 Timoti 4:2; Hebeli 10:22, Pachikope umoyo waloleka uwakufita uwakukombela, umubibi uwakufwa, wutonkonsile kubantu wupotizwe akuyipazya ichete, udaba wayesu weka wanga zelufwa umoyo uno. Heberi 9:14.

ILINSO — Ilinso lya kwa leza liku lola konsi, navyonsi vyavili mumoyo wamuntu likulola. Kutali ichakuvwama kwilinsu lyakwa leza, likulola ivyakama vyonsi vyumoyo wukwelenganya, navyunga chitila, muchisi, nati mwavupa, nati kungelenganya uti kuvwamile ulza akukulola.

UMUNGELI — Umungeli wakwimililila, izwi lya leza uleza akulanda kumubembu akuti totolokwa, leka abuzelu bwane bwize mwi we mumoyo, uleza akulanda kwiwe wemuntu ukubazya ibuku ili, wemutu ukwivwa ukujendela mwi buku ili, akuti totolokwa.

INKUNDA — Ichiyuni ichi chakutekanya sana, chamuntende chitali nulwanyo chikulajizya ukumunzimu umwimichile, umunzimu wa kusimechila wowukusinda abantu kulubembu lwabo, nubulungani wukupazya umuzimu umuni chili, muchikope ichi wuli kuziyamoyo, wutangikala mumo ulubembu luchili lutesile.

UTUNDIMU TWAMOTO — Utu ndimi twamoto totulibilye umoyo wamubembu tukulajizya, ukutemwa kwa leza, uleza atakwazaga umubembu ukufwila mulubembu, lelo akuti atotolokwe abe

nubumi, UYesu akuza mukutula ababembu, ukuzevya kukuba kukulu waje umubembu wumo atotolokwa, uleza akwazanga ukupwizya umoyo wamubembu mwadaba wa mwana wakwe wakapapwa weka wowu Yesu Kristu, utumoto ututukulajizya ukutemwa kwa leza, ukutemwa kukwijila munoyo wakukatala awamubembu wowufuye kumunzimu, utumoto utu tukulajizya, u daba wamwana wang'onzi uwa kwa leza wakusenda imbibu zionsi ichikope ichi ngavya lingana naminsango gako lilila kwa leza, wigule omoyo wako, uleche ubuzelu bwizwi lyakwe bulamile mumo, totolokwa, yipe kumfumu Yesu Kristu po wandi utulwe, uleza ayandi akupe umoyo umupya nukukupa umunzimu umupya nati wamubuzya ukuti chachite.

ICHIKOPE CHA BUBILI

Ichikope ichi chikulajizya umuntu wayamba ukutotolokwa, nukwazizya uleza, umungelu muchikope alemile upanga lya lizwi lya leza ilyakukalawuka ilyamaka nukukola ukuchila upunga wakozile konsi konsi, likunasany'anga monsi nukwijila monsi mukansi, namumajoyini monsi nukusokola amelenganyo mumoyo, Heberi 4:12. Izwi lya leza likutukumbusya ukuti ichilambu chalubembu mfwa Roma 6:23, eso chiyanine umuntu ukufwa lyoka Pisinda apingulwa. Heberi 9:27. Umubembu wata kusubila alisumbilwa mumoto wakubilima.

Kuny'obe iyamwabo alemile ipanga lyamuntu, ichi chikulajizya ukuti amabili gitu galifwa, galibola ni sonsi zililya, tukusumbila kuko unpindi uku londolela ivyakulya nivya kuzwala, ukwene umunzimu wulilolechela pipazyo, pachitengo chaleza muchikope twalola umubembu ayivwa izwi lya kwa leza ayigula umoyo wakwe amazwi giztan mukasi, umuzimu umwimichile ayamba ukulamula mwawuyo mumoyo, mumoyo wachisi ulukozyo lwala mamumo, lwatalika ukuchimbizya vyonsi ivyachisi. Konsi kokwabala ubuzelu ichisi chikufuma eko ukulugula kwaleza kwamba ukulungula mumoyo wakukatala. Ulubembu lonsi lolukwimilila iviny'amanna lwavile ukufuma emo.

Wemubembu zumilizya ulukozyo lwa Yesu ukwijila mumoyo wako, po ichisi nimilimo gachisi vyandi vifume emo ngat



2. UMOYO WI VIBI BI VIKUFUMA EMO

vyowalola pachikope, uYesu akuti nebuselu bwansi. Nawonsi wakukonka atandi ajendaje muchisi. Yohani 8:12. Chabulanda kubobatemwizwe ivyansi, ichisi akuchila umunsanya pu Yesu kijila mu tempile ku Jerusalemu aka chimbizya bonsi boba kakazyaga mumo naboba kakalaga, ing'ombe, ing'onzi, inkunda, apalanganya nindalama zya boba kachijaga, nukubabuzya kukuti mwananga inyumba yatata, ino nyumba yane iyamapepo imwe mwapilula ichisakasa chamalonda, ichakukazizya bulibuli. Yohani 2:13-17. Umoyo wako yony'umba uYesu akatakaga, uYesu atakiza ukututula imbembu zyeke awe akiza nukutufumya nukutusatula kumaka gachisi uYesu ngabafumya mubuzya lymwa satulwa. Yohani 8:36.

ICHIKOPE CHA BUTATU

Apa twalola umoyo wamubembu watotolokwa sana, akumanyanga ukunanga kwakwe kosi, nukulola ukuti uYesu akasajikwa palupanda mulandu wabunazi bwakwe umungelu lyolizwi lyakwa leza amulajizya ukutemwa kwa leza kokuli mwa Yesu Kristu, kokukutosya umoyo wakwe sana, akumbuka nukuti uYesu Kristu mwana wang'onzi wakwa leza wakiza mukusenda ulubembu lwakwe, akamufwila palupanda, awe ayaga ninsoni zyamulema, ayamba nukutetema ukukulu pakwaga ukuti uYesu akapamwa amalupi, bamuzwika nichipewa chiamivwa, apamatilwa namasumali amakulu, pamulandu wawuyo umoyo wowukatotolokwa wivwa ubulanda, alolola umoyo wakwe muleza akuwulolela, amanya ukuti umoyo wakwe wufisite eso wa lubembu ulwiji, ichi chikumulansa kumoyo, nukulilizika nubulanda, nati akumbuka imbibi zyakwe, akulila nukulila, pakuchita ubu uleza akupalamila kwawuyo, umutende nu kutemwa kwa leza vyisila mwawuyo mumoyo wa kwe udaba wa Yesu amupwizya imbisizyonsi, ayamba ukumanya ukuti imfumu yikubanga mupipi kubobali namoyo amanzima nukutula iminzimu gogakutotolokwa Malumbo 34:18. Nukupozya bobali namoyo amabibi, nukupinyila ivilonda vyabo Malumbo 147:3. Eso izwi lyakwa leza likuti kwizansu bwangu kuwakitota kumunzimu womulanda wa kunyila izwi lyane. Aiyizaya 66:2.

Umunzimu umwimichile nukutemwa kwa leza vikwijila mu-



3. UMOYO WOWA TOTOLOKWA


moyo, wukuzelupa pakulola nisibilo kulupanda Iwa Yesu nudaba wakwe wakitika, kukututetela kukunanga kwitu, atalika ukumanya ukuti ubunazi bwa kwe bwatetelwa nukuti ndaba wayesu umwana waleza amuzelufya imbibi zyonisi. 1 Yohani 1:7. Wakusubila mwa Yesu ataliloba ukwene alinu bumi bwa-muyayaya. 1 Korinte 6:10,11. Mwa Yesu mutukwajila ikomolwa ukujendela mwa daba wakwe, nukutetelwa imbibi zitu zyonisi, mubwila bwakwe bubeleye. Efeso 1:7. Nomba muli umunzimu umupya mumoyo, wakwe, ukwamba nomba akubala intazi, atakutemwa ivyansi eso awe, akutemwa woleza pela, wake-zuzwa ninyamazya kunanga, nomba zifumile emmo mumoyo wakwe, lelo usatana alipapipi akusungamila mumo akulondola izila yakwijilila mumo, picho umukristu afwile ukuba aminso nukulola sana nukuputa sana nukumuka na usatana lyakuti achimbile.

ICHIKOPE CHACHINAYE

Ichikope chamukristu wafika pamu tende wakusimichila nukutulwa ukusendela, muzubi yitu iyamfumu wowukatula uYesu Kristu atakusechela nga muchile awe kana mubuchinganike bwa Yesu Kristu moinsi yonsi yikasajichilwa wope kungsi Galatiya 6:14, uwene amanya ukuti uYesu Kristu akatufwila palupanda, chonaswe tufwile ukuba abakufwa kulubembu, ukwene tube Ewebapuma kubulungamane 1 Petero 2:24. Umu Kristu wakusajikwa kungsi twasundwa ukuti tujendaje mumunzimu alyakuti tutize tusechelesye ububibi bwamulwami Galatiya 5:12-25 twanenwa ukuti tukoche ubulungamane ngabwa sobela imfumu tutangayilola. Hebeli 12:14. Muchikope icho waloha ipijika mukasi pu Yesu akasajikwa, mulinu buyololo, numwijilo nisanzu zyobakamusye pela, ukuyimba kokwali kwitu pabunazibwitu kowuyo atuyimbila. Aizaya 53:11-12. Akakomwa palubembu lwitu, imfumu Herodi na bantu bakwe bakamukwelengu la nukumuchapa, bamamuzwi sile nichililaya ichibezu. Mubuzilo bwakumuzwika abuchindami bwa Golide abene bamuzwika ichamivwa wakalinsana ukumulemeka indisa yabumfumu, abene bamulemeke itete kunyobe ya dyelo, bamufungamila nukumulamuka ilengalenga nichombolo, bakutu

Ukusajikwa
na wuyo

Bafuye kulubumbu
lelo babumu kwa
leza mwa Kristu
uYesu



4. UKUSAJIKWA NU KRISITU

mwakata mfumu yaba Yuda, bamu swilila amati basenda itete bamupolela pamutwe, bamala ukumutamya, bamulongolezya ukubala akumusajika, abantu abiji boba kwitwa abakrisitu bobakuputa namuma charichi amanda gonsi ukwajikwa kucha-kulya chamfumu nukwimbila iny'imbo zyakwaleza ukwene imisango gabo gamuselu gachili gakusajika ukatula, chikalembwa ukuti tebosi bobakuti mfumu mfumu balipyana ubufumu bwakwa leza, kana bobakuchita ukwanza kwamwanavuli wane uwakumwanya Mateyo 7:21-27. Muchikope walola numufuko wandalama izyakwa Yudu Iskarioti. Uyuda waka kutilila uYesu nukumukazyana nindalama amakoeala amakumi gatatu, mulandu wakutemwa indalama, kukamutonkola aminso nukumulema ubazya nichimoyo chikabipisya, pachikope pali niny'ale, nizyatambo niviji vyobakabovyanga pakulema uYesu, abusiku, nivipimilo vyobakapimila umwijilo wa Yesu bakafichilisya ubutumwa bobutili bapima ivizwalo vyane nimijilo gane bapendula nukupendula. Mulumbo 22:18.

Isoja lya mulasa nipalala palubazu pa'fuma udaba na mizi. Yohani 19:33-37. Pumukolwe achili ukulila uPetro akana uYesu pamiso gamulindu atitamumanyile, pinsindu akiza alilila kwalyesu lyamanya wuti ananga, nombe iwe ukulola kwayesu niminsango amazima, buzye ulinilyonga ukubombela uYesu akati wakukana paminso gabanta nani ndimukana pa miso gatata wakumwanya Mateyo 10:32-33, akuti ngumuntu akwaza ukukoka atele ayikane asende ulu panda akoche Mateyo 16:24. Watakusenda ulupanda lwakwe nukukoka atakwazikwa kwine. Mateyo 10:38.


Yesu mwebabumi,
Ikavwame mwimwe,
Udaba na muzi,
vyovikafuma mwimwe,
Vipwizye kulubembu lwane
Imbe ne muntu winy'u.

ICHIKOPE CHA CHISANO

Muchikope ichi twalola amubembu wapwizwa eso aputwa,

UKUTEMWA
ICHIMWEMWE
UMUTENDE
UKUZUKUTIKA

UBWILA
UBUZIMA
UKUSUBILWA
ICHIMYAMYA
UKUYISUNGA



5. ITEMPLE LYA LEZA

umubembu wapulumulwa nubwila bwa leza, ubukulu, nomba umoyo wakwe nyumba yamulungu uleza mwa kwikala, nyumba yakusimichila mwikaye uleza umwana numunzimu, umwimichile ngativyu Yesu akuti, umuntuwakunte mwa ayandi atotele amanzwi gene, utata alimutemwa swesi nutata nina tuliyikala mwa wuyo Yohani 14:23. Uleza akuchindi chila abantu mwa Kristu nukubaputa nukubakuzya Luka 1:52.

Umoyo wupilusile Nyumba yaleza mwamabi ulubembuu lufumile emo, momukikalanga inyama zyakulekana, zyozikatekwagwa nu Satana, uyise wabufi, zikafuma emo nomba umuzimu umuzelu wowikaye mumo alesile ukuchi ta imilimo gamubili umoyo nomba wuli ngati likwi lyolikwela ivyakulya vya munzimu, ngati, ivi, ukutemwa, insasa, umuntende, ukutekany'a ukuchuchutika, ichimymya, ubuzima, ukusubilwa, ukutotelela, ukuyisunga, navyovya mutende kubantu nakwaleza nomba lusamba lwabunenesyo lolukwela ivikomwa ivizima, likwi lyakusimichila mumfumu yitu uYesu Kristu nomba ayikaye mwa Yesu Kristu wope ayikaye mwawuyo. Yohani 15:1-10; akusunga izwi lyaleza mumoyo wakwe, ayizuzwa nibatizyo lya munzimu umwimi chile, alinama ka agakuchivya umulwaru nukwaza kwaa mubibi mumaka agamunzimu umwimichile, akusenda mumunzimu amwimichile, akaleka ukwikala muvyakwi vwakwivwa, nivyakuloba mulandu wisubilo lyasubiye mwa Yesu Kristu akuchivya ivyansi kwisubilo kwa yikaliye, akukumbuka ukuti uyisekulu uYesu Kristu ukuti aliyiza eso, ayikaye mukutemwa kwa leza kokutakumala, balongo abazelu mumoyo abene balilola uleza Mateyo 5:8, imfumu uDavidi nati buli akaba nivyuma iviji akachivya nabalwani bakwe, akagoga nichamak icha Goliyati, lelo pakaba ichitu choka chafwile ukuchita pakuti alole uleza akayibuzya ukuti uleza azelufye umoyo wane, apilule umoyo wane wube wakusimichila. Malumbo 51:10. Kutali wanga zelufya umoyo wakwe weka, ukuti wubewakusimichila, kandi ngayiza kwaleza numoyo wakutotolokwa nukuyinenela umwenecho ubunazi bwakwe bonsi bwananga nukuchimbizya imbembu zyakwe zyonsi, ngati vyo mfumu Davedi akachita umwenecho, numwana wakusobela wope vyakachita akaleka igulube nukubuyila kwayinse, akafika amubuzya ati Tata nabembuka paminso gako napaminso ga

leza, uleza akwawwaga umubembu wabala kwa wuyo numunzimu wakutotolokwa wakalaga, ukuti ndikupa umoyo umupya numunzimu umupya, ndifumya mwiwe umunzimu umubibi, nukubika mumo umunzimu wane ndileka utaliche ukujenda mukwaza` kwane, ichi chipanga no ichipya chuleza apangana niswe, Amatilila nudaba wakwa Yesu Kristu.

Muchikope ichi twalola umungelu aoleka eso bobalipyana ubumi bwa muyayaya umungelu akubabombela bobakwitapinzina Iya Yehova umungelu akubalibililaga mulubazu. Malumbo 34:7; 91:11; Daniele 6:22; Mateyo 2:13; 18:10; Milimo 5:19; 12:7-10. Diabulosi wope aoleka ayimiliye mupipi numoyo akulondola ulongo lwakuti abuyile mumo, chofwandi, tube aminso nukuputa sana, mulandu diabulosi akujendajenda mwalwe gati chimbwi chochikulondola uwakulya. 1 Petro 5:8. Lelo mumukane udiabulosi ayandi aba chimbile. Yakobi 4:7.

ICHIKOPE CHACHISANO NA CHOKA

Ichikope chamalanda amukristu wabuyila mwisinda, iliso lyoka lyaba ukusizila chikutulajizya ukuti atota muchito apwelelechela mubukristu bwakwe, ilinso ilyamwabo likulola monsi, ubuzelu bobuli mukasi bwamba ukufobela, amanyile ivyakuyimbila uKristu vyamba ukufobela, alesile ukubombela uleza, alimukasi mwi fukulo amafukulo gamutosizye nukuti akane usanata awe akwitika amanzwi gabi fukulo, alesileukuzumilizy amazwi galeza, nati buli achili akubala kucharichi, nukuziyika imisango ngakwe angasoni asobezya akutemwa kwakatmwa uleza pakwamba ulutondwa loluli mwawuyo lwandi luzime, ipijika yatalika ukung'wama atalika ukuvwilika, akwaza ukuleka ukuputa uleza, alesile ukuseka mwalwe, aleka umulyango wakuti usantana wakulibilila mulubazu ayijile mumo.

Umuzimu wa pikoki ayamba ukulondola umulyango wakwijila ayandi abe nichilumba ataliche ukuti iswe swe bakristu fulu, aluvya ukuti ubwila bwakwa leza bwakamwita, ukukolwa kwa hodisya, kukulondola amulya ngo, bamobambaukuti tomola tulimpi, awe tumukoyo tutakukola, aluvya akuti ukunozya tulimpi, kulingati kajejekokitiye muchijeje ichikulu chochit'a kupwa



6.

6. UMOYO WAYEZEKWA, AKANWA

awe ichabukolwe kolwe. Oho umwantanda ngakwejela umulume ipele, uwene akuyi fumya emo akuti tenene kung'wela, uwene akukozya abiji lyo uyo ntapusine nusatana, ubuchende nubuzelele vyope vyamba ukufukula umukristu, ubusilubwa ku gehena bwamulema atalika ukutemwa sana ngakwivwa ilandwi lyabu chende, ayamba ukujendela poka nababibi, nukuba nabo muny'izyo imbibi nukwajikwa nabo muvyakwimba ukubibibamo bakumubuzya ukuti ukwimba tekubibi kana ukwimba ukubibi muzila imbibi atakukumbuka ukuti ukwimba konsinye kubibi, kukutwalanga kuminsango amabibi, atalika ukwelenganya ukukwe beitumba, aluyva ukuti ukukweba nukufwenezya intumba kubibi muchi Kristu, techizima ukukweba nukufwenezya itumba lyo bakukweba umusanya nubu siku, uYesu ataktela akwebe itumba, nukufwenezya nawosi wakumuukonka atfwile ukukweba nukufwenezya itumba.

Diabulosi amubuzya ukuti ukubembuka kalimpi temulandu ukuchita ubuchende lyoka temulandu, mobobakufukula bakuchitila nga witika kalipi lyoka lyowa lechela usatana umulyango wakwijilila mumoyo, wowuka ba wakupwizikwa, wangeluka waba waviko. Umuntu wowamulola akulasa umoyo akulajizya kubatu boba kumusoweka nu nukumukany'a ichikristu boba-kumuvulazya mumoyo namazwi ganjingo, apotwa ukujimba pabantu bakumusoweka nukumusenteka, nabachibuzabakwe koka nabantu abiji amazwi gabo gakasanya mumoyo wakwe, ukutemwa kwa leza kwakatala ayamba ukunyila abantu ukuchila ukunyila uleza, ukunyila vyabantu bakumwelenganya nu kumunena abamuzya kubantu abuyila kwisinda ku matansi.

Ukukalala numulaka vikwajikwa mwa wuyo mupindi zya kuso-belwa, namumatamyo namumalanda, vikuteka umoyo wakwe, ululimi lwa kaputilanga uleza nombwa lwaba lwa kuliganila nitembo nukulapizizya abantu diabulosi nati ayaga umulyango injoka yandi yikwe muchile mumo nukukuzizya umulya ngo ivya mwabo vyonsi vyijile papo.

Ichitu chimo chipepusile sana ukutemwa kwandalama ukukwija mumoyo wamuntu lolusinda lwalubembu tufwile ukusunga ubusochi bwakwa Yesu bukuti lindililaji nukuputa impindi zy-

onsi lyakuti mutayezekwe. Mateyo 26:41. Wayimiliye achejele atakangwe 1 Korinte 10:12 tufwile ukuzwala vyonsi ivilwilo vyakwa leza lyakuti tube namaka angakuchivya ubuchejezi bwakanama. Efeso 6:11-18.

ICHIKOPE CHACHISANO NAVIBILI

Ichikope ichi chikutulajizya umoyo wa muntu wabuyila mwisinda wonubuzelu bwa leza bukamulamila akatomola nichabwila cha kumwanya wakamanya numunzimu umwinichile, wonomba angwa' eso chikulajizya kumuntu watakatela atotolokwe, nati buli ilandwi ilyene bakamubuzya sana akabanga agomizye umoyo nulubembu lumutesile lukumulongolelela, uYesu aktati umunzimu umubibi ngawafuma mumuntu wukubala ukukabala mulumpalang'ang'a, wukulondola pakutuzya ngawapotwa, wukubuyila kowukafuma, ngawanga muzelufile mwakuyana ichete powukubuyila wubale wusende agamwabo gasanona gabili amabibi kani ngikala namumoyo, naminsango gamutu gabipe ukuchila pakwambila. Luka 11:24-27. Vyakolana nakumulumbe kokakuti imbwa yikubuyila koyitapisile, ni ngulube yoyingezile yikubuyila muntimpa, 2 Petro 2:22.

Amalembelo ngakulondoloa imibele gamuntu uno, ulubembu nubuchenjezi botuli nabo vikiza ukwikala nukuteka mumoyo wakwe nichiso chakwe chikulajizya ukuti umoyo wakwe wutali ichete, umunzimu umwimuchile wufumile mumoyo, ubuzeluni chisi vitangikala moka, mulanduvitakwivwananga umoyo woka yitangaba nyumba yaleza, chibe eso chibanga chasatana.

Umungelu wakwa leza afuma emo bulanda bulanda, akuchebela kwi sinda akuti pamo angatotolokwa ngati mwana amusobe uwamano wamano gakamwanga kwaka dimanga ingulube kwakachulaga akakumbwaga nukulya ugaga wingu-lube zikalyanga, akabuyila kwayinse afika ati tata nabembuka kwa leza nakwiwe, talingine ukwitwa umwana wako, akatiimbe nemuzya wako, lelo uyinse akamutentela, muchikope uno umuntu atalito tolokwa eso, ukuti alilile kwa Yesu chitakwiza nakumano, nomba amelenganyo gakwe gavulungine, ngalesile ukwelenga nya ichete, alinama kutwilelo atakwivwa izwi lya



7. UMOYO WA GUYE ABUYILA KUVY ANSI

leza. Alinaminso lelo atakulola insoni atali nazyo pakuchita ivyamuselu usatana wakuteka mumoyo ayikaye napachitengo chabufumu mumoyo wakwe, alingati kungwe yobasinguye kuzi mukasi muli ivyakubola. Mateyo 23:27. Inyama yonsi yoyili numuzimu umubibi yikuteka mumo poka nusatana mumoyo, intamyo zyamuteka ubuzya ayamba ukupotwa ukuyitula, lelo amazwi galeza agamanyile upitra akati wayiza asula amasundo gamuiugu aliloba alisundwa, ukuchila wayi za akana umwana waleza asula nudaba wakwe akwelengula numunzimu umwim-ichile ali sundwa. Heberi 10:29-31; 2 Petro 2:1-14.

Mukudwe wemuntu ukubazya ibuku ili, umoyo wako nga wunga kolana nuno, lililakwa leza ngawatotolokwa alinamaka anga kukutula ulubembu lwako, si zaga kwa Yesu ngati wamambombo akamulambilizya ati tula, uYesu akamutula. Marko 1:40-43. Lelo nga wakana wandi ufwe, muma lo ngamutende.

ICHIKOPE CHACHISANO NAVITATU

Muchikope ichi twalola ko imfwa yili mupipi kumubembu wago-mizye umoyo wakwe, mumoyo mwizuye ukubabwa nilyoga ilyamfwa, uwambazu wali muchikope wowuyinse wamafupa akiza pampindi yoyitakumanyi kwa lelo kuloleka uwabukali nubunkalwe wakunyilwa mumiso mufolobosile ukusamwa kwanzima amalipilo amakulu agalubembu ayandi alipilwe kumoyo akwivwa ukubaba kwa monto akuti alambilizye kwa leza akwanga alukutali nu leza, amazwi ngakubola goga musechelesyanga ngapotwa ukumwavwa, ivyuma nindalama vyapotwa ukumwavwa nati kumuchefezya ubukali akuti ayelenganya uleza usatana akumuvulunganya, pakabaichete akati pondi magi pikufwa pondibombela uleza fwandi achelwa abantu abiji bakufwa nanti litulwa, amazwi gakuti tubombe potuli nimpindi lelo uno afwa akanile ubwila bwa leza nukutemwa kwa kwe, nombamba ayivwa izwi kumfumu, likuti fumilaapa mwebabembu mwe, muka tipilwa kumonto wamuyayaya wobakapekanizya usatana nabantubakwe. Mateyo 25:41. Chiyanine umuntu ukufwa lyoka pisinda apazwa. Heberi 9:27.




8. IMFWA YA MUBEMBU

ICHIKOPE CHACHISANO NAVINAYE

Apa twalola umukristu wakusimichila wakujenda muviyezyo nukuchivya. Usatana amufukula muzila zyonsi apotwa, uwene paka nifwa ulubilo lwakwe mukrisitu akufika kubumalilo mwa Yesu Kristu wowukayanya wa vintu vyonsi. Heberi 12:1-2. Usatana nibumba lyakwe bakulibilila mulubazu bakulondola apakwijila bakupotwa. Umuzimu wakutemwa undalama nizobwe usabwe vikunkong'onsya vikupotwa, usatana akuyezye muzila zyonsi akupotwa umukristu akumanya, akuyezya mumu sango wakuputa olo mubupalazi, lelo amazwi ngakwaleza nga kumulongolela, walola wumo akumwimbila nukapu wipele munyobe akumuyezya nivyansi ino lelo vitakuchita chimo kumukristu wafuye kuvyansi lelo wabumi kubulungamane, wumo akumulasani chipeni vikulajizya ukumusoweka nukumukwelengula vyovikumuvulazya kumoyo, lelo umwenecho akuyisasamuya namazwi gogati mwebalongo pobabayivya baba nena ivibibi ilenga lyeka, babachombola mulandu winzina lyane, pomusasamukaje mulandu mulini chilambu ichikulu kumwany'a. Mateyo 5:11,12. Usatana akuyezya namaka gonsi ukuti afumye amukristu kwaleza, mulandu alinisubilo akuti ngawunanu wangatufumya kukutemwa kwa Kristu nawumo, buzye bulanda pamo ukuzwaluka pamo ukubabwa pamo ukuyimba pamo intenda pamo inkondo patali chimo, tulichivya muwakatutemwa. Roma 8:35-39. Umukristu azwala ivilwilo vya kwa leza abanamaka gakuchivya mupindi zyantazi, mumunzimu umwimichile nukupalanganya ivya mulwani, nukuchivya iviyezyo vyonsi mulandu amayile ukuti ukristu wa li nawuyo wamaka ukuchila usatana, uYesu wakatuchivizya usatana nifwa pabwila bwakwe, pichi twazwikwa ichimwemwe cha bunkakala: Ulutondwa lwamu melenganyo ngakwe luzelufile nukulama sana umoyo wakwe wizuye isubilo numuzimu umufijile umungelu wakwaleza wali pamutwe wakwe, akumukumbusya ukulaga kwakalanga wakuchivya afika pakafiko. Ukuwumbulika 2:7,11,17,26; 3:5,13,21.

Umufuko wandalama wukulajizya ukuti akapa umoyo nichuma chakwe chonsi, navuonsi vyalilavyo, indalama zyakwe akupa abapina nabasalusu nichikumi akupa kwa leza, akupa muzila izyakulekanalekana akuyipa ngati moing'onzi zikupela



9. UMOYO WIIMFUMU YAWUCHIVIZYA

abayisekulu ameya gakupajila abawulu namisango gakwe mazima upele atakung'wela nukuyikombezya ukulya udaba ninyama zyozya yi fwila nitumba atakukweba nukufwenezya ny'e amanyile ukuti umubili wakwe wufwile ukusangwa ichete mulandu litempile lyaleza. Umoyo nyumba yamulungu akubanga amanda gonsi naba Krisitu abamwabo, muzalana mukwikuta na mukuyimba akuputa uleza kuchalichi namunyumba yakwe akubungani kanga abamunyumba yakwe mumandagakuputa, nukubasambilizya munyumba yakwe amanyile ukuti umuKrisitu pakuba nubumi kuputa, ngati iswipakubanubumi lyo yili mumizi ibuku lyoligusile muchikope wubayibolo izwilya kwa leza akubazya ubwandanubwanda ny'ale kwawuyo wowu panga waku chvizya usatana chakulya chakwe ubwanda nubwanda gominzi gagugoga iny'onta yakwe alinichimwemwe mukukuzya izwi lya leza, mukukoka intapulo zya Yesu imfumu yitu.

Akusenda ipijika yoyikumukumbusya ukuti akasajikwa poka nuKrisitu nukuzyupuka nawa nomba alinubumi ubupya nomba akwazizya bulo ivyakumwaya vyovit aliloba ayipekinye ukukumam nuleza alinganti likwi lyoli mupipi mumizi lyolikwela ivitwalo mupindi iyakuyanana alingati lusamba loluli mwikwi lyakusimichila lolukwela ivikomwa iviji, ukutemwa kwaleza kwizuye mumoyo wakwe, atakunyila nimfwanye awe. Malumbo 1:1-3; Yohani 15:1-14; 1 Yohani 4:18-21.

ICHIKOPE CHI KUMI

Yesu akati nekuzyulupuka nebumi wakusubila mwine nanti angamfwa aliba nubumi, nawomupuma atalifwa. Yohani 11:25-26, wakwivwa amazwi ngane akuga subila akusubila nawakatuma aliba nubumi bwamuyaya, atalitela ayijile mukupingulwa uwene afumile mufwa alimubumi. Yohani 5:24, imfwa yitali namka pawuyo awe umukristu mulandu yikamilulwa mukuchivya. Akuti wefwa we ngubukali bwako buli kwi, akuti ukusalifya kube kwa leza wakatupanga ukuchi vya mumfumu yitu Yesu Kristu. 1 Korinte 15:54-57.

Umuntu wasubila uleza atakunyilanga imfwa awe impindi yiliyiza



10. ICHIMWEMWE PAKUBALA KUMWABO

iyakufumila mumsi alibala nichimwe mwi kubuzilo bwakwe ubwamuyayaya Positile Paul akati kwaza sana ukubala ukwikala nuKristu chochizima sana. Filipu 1:23, umuKristu akwazanga ukulola ichiso cha Yesu, waka mufwila papijika nukumutula nudabawakwe umuzimu akumukumbusya amazwi nga Yesu gogati mutaleche imoyo yiny'u gatamikeje mukusubila uleza subile musubile nine muny'umba yatata muli ubuzilo ubwiji digaluka nizembasende kondi konamwe muliba Yohani 14:1-14, vyutavimanyile vyuleza akupekanizizya, bobasubiye, 1 Korinte 2:9 mumsi mutali ululimi lolungalondolola ivyakumwany'a, nemabuzilo gogaliko mu chikope ichitwalola umukristu akubala kumwabo, ifwa yitalipo palibulo umungelu waleza, akutwala umunzimu wamukristu kwaleza, umuzimu wasatulwa kumbili, wakufwa yabala kuwonkabombelanga, ukupoche elelwa ukuzima kwaleza, poinfumu yakwe yandi yiti wachita ichete wemuzya umuzima yijila muchimwemwe chamfumu yako. Mateyo 25:21. Amaka gasatana gapotwa Malumbo 116:15. Nivwa izwi lyati balongo bobakufwila mumfumu kabatuzye ukuyimba kwabo. Ukuwumbulika 14:13.

Wemuntu ukubazya ibuku ili uleza akwawwe upe umoyo wako kwayesu. Ayandi akupe umoyo wakuzelupa, utaleche umoyo wako akutwale kububibi. Imilumbe 28:26. Wakujenda namano walitulwa binga ulubembu fwililichila kwisubilo, ichilambu chalubembu fwa, chabwila chakwa leza bumi bwamuyayaya mwa Kristu Yesu. Roma 6:23. Wemuntu wasubila lemasya amazwi amapuma nukutemwa kokuli mwa Kristu Yesu, muyizejele isubilo itele muputaje mumuzimu umwimichile muyisungaje mwa leza mulolaje kwa Yesu wakuyanya isubilo lyitu yomfumu yazyamfumu yikwiza lubilo. Wali namaka ukubasunga kuvyakupunuzya, nukubabika mubumi muchimwemwe ichulu kwaleza weka wowukatula witu ukuchindama nubukankala nubumfumu namaka ivyakali vili nilelo vyandi vibaje napenye. Amen. Yuda 24,25.

“Kuli insi inzima sana,
Tukuyilola mwisubilo pabutali,
Kutata akutulinokila

akutupekanizizya ubwikalo ubuzima,

Tuliyimbila kumulundu umuzima,
iny'imbo izima izyaku putwa,
imizimu gitu gataliba mubulanda,
eso, kuliba ukutuzya kokotalimala,
ukwakuputwa.

Pisinda nomba mubuzima,
tulikumana kumulundu umuzima.”